

INKONZO YETHU YOMBUSO

NOVEMBER 2015

ISILOKO SENYANGA: "Mina ngahlanyela inhlanyelo, u-Apholo wayithelela, kodwa nguNkulunkulu owayikhulisayo." —1 Khor. 3:6.

IVIKI EQALISA NGO-NOVEMBER 9

Ingoma 48 loMthandazo

❑ Isifundo SeBhayibhili Sebandla:

ia isahi. 2 ¶1-12 (30 imiz.)

❑ Isikolo Senkonzo SamaKhristu:

Ukubalwa kweBhayibhili: 1 ImiLando 21-25 (8 imiz.)

No. 1: 1 ImiLando 23:1-11 (3 imiz. kumbe engaphansi)

No. 2: Izenzakalo Yizo Ezizatshengisa Ukubuya KukaKhristu—td 27B (5 imiz.)

No. 3: Uyini Umoya Ongcwele?—td 42A (5 imiz.)

❑ Umhlangano Wenkonzo:

Ingoma 98

10 imiz: "Mina Ngahlanyela Inhlanyelo, U-Apholo Wayithelela, Kodwa NguNkulunkulu Owayikhulisayo." Inkulomo esekelwe esihlokweni senyanga. (1 Khor. 3:6) Nxa isikhathi sivuma ungahlanganisa lemicijo etholakala ku-Nqabayokulinda ka-March 1, 1993 amakhasi 20-23. Wothi fahlafahla ngezinye izinkulomo eziku-Nkonzo Yo-Mbuso bese usitsho ukuthi zihambelana njani lesiloko senyanga.

20 imiz: "Ukuthuthukisa Indlela Esitshumayela Ngayo—Ukuhambisa Ibhuku Elithi Okufundiswa LiBhayibhili." Ingxoxo. Kakube leziboniso ezimbiyi ezimfitshane. Esokuqala kumele kusetsheenziswe imicijo ethethwe esihlokweni lesi. Esesibili ummemezeli usebenzisa intshumayelo yakhe ayibona imsebenzela kakhulu enkonzweni.

Ingoma 111 loMthandazo

Ukuthuthukisa Indlela Esitshumayela Ngayo —Ukuhambisa Ibhuku Elithi Okufundiswa LiBhayibhili

Kungani Kuqakathekile? Ibhuku elithi Okufundiswa LiBhayibhili yilo esilisebenzisa kakhulu nxa sifundisa. Ngakho kufanele sizame ukuba zingcitshi endleleni esilihambisa ngayo ibhuku leli kanti njalo kuqakathekile ukuthi umuntu esixoxa laye simnike elakhe ibhuku azalisebenzisa nxa simfundisa. (Zaga. 22:29) Asingeke sizibale siziqede izindlela esingazisenzisa nxa

sihambisa ibhuku leli yikho ummemezeli kufanele azikhethene leyo ayibona ingcono.

Indlela Yokukwenza:

- Mbuze umbuzo ohambelana lesahluko ofuna ukuxoxa ngaso ube usumtshengisa isahluko sakhana ebhukwini leli. Kanti njalo ungakhetha ukuthi lixoze ngombuzo owo-dwa osekualiseni kwesahluko. Nxa umnini-muzi angatsho umbono wakhe mbalele umbhalo ohambelana lendaba leyo ube usumtshengisa indima elempendulo futhi li-xoce ngayo kafitshane nxa kuvuma.
- Okunye ongakwenza yikusebenzisa amakhasi asekualiseni kwebhuku leli ube usumtshengisa lapho indaba ethile echasiswa khona ngokugcweleyo. Ngokwesibone-lo ungakhuluma ngesigigaba esisemathe-ni ube usumchazela ukuthi abantu basala bebambe owangaphansi nxa bethola izi-mpendulo zemibuzo esekhasini 3. Loba ungamtshela ukuthi uvakatshele omakhe-lwana ukuze ubaxoxele ngethemba esilalo ngekusasa. Ube usumtshengisa imifanekiso esemakhasini 4-5 ubuze lokuthi, "Yisiphi isi-thembiso ofuna ukusibona ngawakho si-gcwaliiseka?" Okunye ongakutsho yikuthi, 'Ngivakatshela izakhamuzi zalapha ukuze ngizincedise zithole izimpendulo zemibuzo ekhathazayo empilweni.' Mtshengise imibuza esekhasini 6 ubusumbuza ukuthi yiwwophi omthinta kwamancane.
- Ungacela ukufunda laye iBhayibhili. Unga-thi: "Sitsengisa omakhelwana bethu ibhuku esilisebenzisayo nxa sifunda iBhayibhili. Sewake walibona yini? [Melela impendulo.] Nxa isikhathi sakho sivuma ngingathanda ukukutshengisa indlela esifunda ngayo sise-benzisa elakho iBhayibhili."

Zama Ukwenza Okulandelayo Kulinayanga:

- Phurakithizani ekukhonzeni kwemuli.
- Chathekela ohamba labo ekutshumeyeleni ukuthi uhlele ukulihambisa njani ibhuku leli. (Zaga. 27:17) Ntshintsha intshumayelo ya-kho nxa ingaphumeleli.

IVIKI EQALISA NGO-NOVEMBER 16

Ingoma 17 loMthandazo

❑ Isifundo SeBhayibhili Sebandla:

ia isahl. 2 ¶13-23, lengxene ethi ongacabangisa-sa ngakho k. 24 (30 imiz.)

❑ Isikolo Senkonzo SamaKhristu:

Ukubalwa kweBhayibhili: 1 ImiLando 26-29 (8 imiz.)

No. 1: 1 ImiLando 29:20-30 (3 imiz. kumbe engaphansi)

No. 2: Amandla Okuphila Abizwa Ngokuthi Ngumoya—td 42B (5 imiz.)

No. 3: Kakudingakali Ukuthi AmaKhristu Agcine ISabatha—td 12A (5 imiz.)

❑ Umhlangano Wenkonzo:

Ingoma 35

10 imiz: Qhubeka ‘Uthelela’ Inhlanyelo. (1 Khor. 3:6-8) Xoxa lephayona lesikhathi sonke kanye lommemezeli. Yiluphi uholelo abalalo lokwenza izimpindela? Bacele batsho ukuthi balingiselela njani ukuyazibona. Kuyini okubenza baphikelele besiyadinga umuntu okunzima ukumthola? Yikuphi okuhle abangakulandisa?

20 imiz: “Singakusebenzisa Njani Okurekhodiweyo?” Imibuzo lezimpendulo. Chasisa ukuthi abazalwane bangakuthola njani okurekhodiweyo okuku-jw.org. Dlalela ibandla okuthile okulelwayo. Kakube lesiboniso esithethwe ku-Nkonzoo YoMbuso ka-November 2014 ekuphetheni kwesihloko esithi “Sebenzisa IWebhusayithi Yethu Ekutshumayeleni—‘Imibuzo Ejayele Ukubanza Ngabantu.’”

Ingoma 108 loMthandazo

Singakusebenzisa Njani Okurekhodiweyo?

¹ Abantu abanengi bayakuthanda ukusebenzisa iwebhusayithi yethu i-jw.org ukuze *babale* amabhuku ethu. Akubuzwa ukuthi amabhuku la asekelwe eBhayibhili ayakhwabitheka okwamagama. (UmTshu. 12:10) Kodwa sewake wazisebenzisa yini izinto ezirekhodiweyo? Kufanele sizame ukuzisebenzisa ngoba zenza kube lula ukuthi *silalele* okunengi okutholakala kuwebhusayithi yethu.

1. Yikuphi okunye okusincedayo ngaphandle kwamabhuku esilawo?

² **Nxa Ufundwa Loba Lemuli:** Ukulalela ukubalwa kweBhayibhili okurekhodiweyo, amabhuku kumbe amamagazini ngesikhathi uphakathi kohambo loba nxa uphathetheke emisebenzini yansuku zonke kungakunceda ukuthi usisebenzise kuhle isikhathi sakho. (Efe. 5:15, 16) Ukulalela ukubalwa kwebhuku elithile ngapha omunye lomunye ephethe elakhe kungenza ukukhonza kwemuli kuhlabuse. Okurekhodiweyo kungakunceda nxa ubala uwedwa ukuthi uthuthukise indlela obala ngayo kumbe ufunde olunye ulimi.

³ **Nxa Usenkonzweni:** Abantu abaswela isikhathi sokubala bangakubona kungcono ukulalela okurekhodiweyo. Kanti njalo singahlangana lomuntu okhulumu olunye ulimi, kungenzeka ukuthi abelesifiso soku-funda okunengi nxa singamlalela okuthile okurekhodwe ‘ngolimi lwakhe.’ (ImiSeb. 2:6-8) Kwamanye amazwe abantu bafunda izinto ngokuxoxelwa. Ngokwesibonelo abantu okuthiwa ngama-Hmong bafunda imbalu yakubo ngokulandiselwa njalo okumangalisyayo yikuthi bayakubamba phose konke abaku-xoxelwayo. Kanti njalo emazweni amanengi ase-Africa abantu bafunda ngokulandiselwa.

⁴ Bakhona yini ensimini yenu abangancedakala nxa ungabadlalela okurekhodiweyo ngolimi lwabo? Ukhona yini ongancedakala nxa ungamthumezela ibhuku elirekhodiweyo nge *e-mail* kumbe ngezinye izinto zempucuko? Okunye ongakwenza nxa unga-thola umuntu olesifiso sokufunda yikumnika ibhuku eliprintiwego kanye le-CD yebhu-ku elirekhodiweyo. Kumele ubike loba yiluphi ibhuku, ibhukwana, iphetshana kumbe imagazini erekhodiweyo oyabe ukunike umuntu enkonzweni. Okurekhodiweyo kwenzelwe ukuthi sihlanye iLizwi likaNkulunkulu ezinhliziyweni zalabo esibatshumayezayo kanye lokuthi kusincede nxa sifunda sisodwa.—1 Khor. 3:6.

2. Ungakusebenzisa njani okurekhodiweyo nxa ufunda uwedwa loba lemuli yakho?
3. Ngobani ensimini yethu abangancedwa yikulalela okurekhodiweyo?
4. Ungabanceda njani abantu abasensimini?

IVIKI EQALISA NGO-NOVEMBER 23

Ingoma 26 IoMthandazo

❑ Isifundo SeBhayibhili Sebandla

ia isahl. 3 ¶1-13, ibhokisi elisekhiasi 29 (30 imiz.)

❑ Isikolo Senkonzo SamaKhristu:

Ukubalwa kweBhayibhili: 2 ImiLando 1-5 (8 imiz.)

No. 1: 2 ImiLando 3:14 – 4:6 (3 imiz. kumbe engaphansi)

No. 2: UMthetho WeSabatha Waphiwa Ama-Israyeli—td 12B (5 imiz.)

No. 3: Kungani Kungamelanga Sisebenziane Lamadimoni?—td 42C (5 imiz.)

❑ Umhlangano Wenkonzo:

Ingoma 47

10 imiz: "Lungiselela Ukuze Ube Yingcitschi Ekufundiseni." Inkulumo.

10 imiz: Ukuziphatha Kuhle Kuyasivulela Amathuba Okutshumayela. Ingxoxo eseke-lwe ku-Ncwadi Yonyaka ka-2015 ikhasi 49 indima 3 kusiya kukhasi 51 indima 3 kanye lekhasi 140 indima 3 kusiya kukhasi 141 indima 3. Cela abalaleli batsho abakufundi-leyo.

10 imiz: "Zisebenzise Kuhle Izingxenye Ezisebhukwini Elithi Okufundiswa LiBhayibhili." Ingxoxo. Kakube lesiboniso esiftshane.

Ingoma 123 IoMthandazo

Lungiselela Ukuze Ube Yingcitschi Ekufundiseni

UJesu wabuzwa kibili umbuzo omayelana lokuphila okuphakade kodwa wawuphendula ngezindlela ezitshiyeneyo kusiya ngokuthi wawubuzwe ngubani. (Luk. 10:25-28; 18:18-20) Lanxa ibhoku esilisebenzisayo silijayele sibili kuqakathekile ukuthi ngaso sonke isikhathi silungiselele sinakana ngomuntu esiyabe sizafunda laye. Singazibuza ukuthi kungaphi lapho okungabanzima ukuthi azwisi-se khona? Singafunda yiphi imibhalo? Sizafunda izindima ezingaki? Kungadingeka ukuthi uchwayisise, ulungiselele imizekeliso lembu- zu etshiyeneyo ukuze elikufundayo kunge-ne kujule enhliziyweni yomfundi. Akumela-

nga ukhohlwe ukuthi uJehova nguye okhulis-a inhlanyelo enhliziyweni yalowo ofundayo yikho kumele ucele uJehova ukuthi abusise lokho okwenzayo ukuze usize umfundsi. Kanti njalo umcele lokuthi ancedise lowo ofunda laye.—1 Khor. 3:6; Jak. 1:5.

Zisebenzise Kuhle Izingxenye

Ezisebhukwini Elithi

Okufundiswa LiBhayibhili

Nxa umfundsi eqhubeka efunda lokho okuseBhayibhilini futhi ekusebenzisa empli-weni yakhe uyathuthuka aphile ngendlela ethokozisa uNkulunkulu. (Hubo. 1:1-3) Eyi-nye indlela esingamsiza ngayo umfundsi yikusebenzisa kuhle izingxenye ezisebhukwi-ni elithi *Okufundiswa LiBhayibhili*.

Imibuzo Esekuqaliseni Kwesahluko: Isahluko ngasinye silemibuzo esekualise-ni ephendulwa phakathi kwesifundo. Yikho ungabala imibuzo le ukuze umfundsi akulindele ngabomvu lokhu azakufunda. Oku-nye ongakwenza yikumcela ukuthi ayiphe-ndule kafitshane. Lanxa angaze atshaye iga-nga, akulasizatho sokuthi uhle umqondise. Impendulo zakhe zizakunceda ubone lapho okumele utshaye kuzwele khona nxa usu-mfundisa.—Zaga. 16:23; 18:13.

Isengezo: Nxa umfundsi ekuzwisia lokho akufundayo futhi ekukholwa ungamcela ukuthi azibalele yedwa isengezo. Ngesikha-thi esilandelayo lingaxoxa kafitshane ngese-ngezo ukuze ubone ukuthi usizwisisile yini. Kwesinye isikhathi unga-funda laye isenge-zo sonke loba ukhethe ezinye izindima. Ku-mele ulungiselele imibuzo ezamenza azwisi-se elikufundayo.

Ibhokisi Elisekuphetheni Kwesahluko: Ibhokisi leli lilezimpendulo zemibuzo esekualiseni kwesahluko. Ungalisebenzisa ukuze usuthiseke ukuthi umfundsi ukuzwisi-sile yini akufundileyo njalo uyenelisa ukuchasisa imicijo eqakathekileyo. Balani imicijo esebhokisini kanye lemibhalo efakiwe-yo. Ngemva kwalokho cela umfundsi achasi-se ukuthi imibhalo le itshengisa njani ukuthi impendulo leyo iqonde nta.—ImiSeb. 17:2, 3.

IVIKI EQALISA NGO-NOVEMBER 30

Ingoma 94 IoMthandazo

❑ Isifundo SeBhayibhili Sebandla:

ia isahl. 3 ¶14-21, ibhokisi elisekhasini 30, lengxene ethi ongacabangisisa ngakho k. 32 (30 imiz.)

❑ Isikolo Senkonzo SamaKhristu:

Ukubalwa kweBhayibhili: 2 ImiLando 6-9 (8 imiz.)

No. 1: 2 ImiLando 6:22-27 (3 imiz. kumbe engaphansi)

No. 2: Kungani Kungamanga Ukuthi UJehova Mthathu Emunye?—td 22A (5 imiz.)

No. 3: ISabatha LikaNkulunkulu Liqalisa Nini Futhi Liphela Nini?—td 12C (5 imiz.)

❑ Umhlangano Wenkonzo:

Ingoma 58

10 imiz: Izindlela Zokuhambisa Amamagazi-ni Ngo-December. Ingxoxo. Kakuqale kube le-ziboniso ezimbili kusetshenziswa izintshumayelo eziyisibonelo. Ngemva kwalokho xoxani ngezintshumayelo eziyisibonelo ezisekhasini leli.

10 imiz: Izingingo Zebandla.

10 imiz: Sisebenze Njani? Ingxoxo. Cela abalaleli batsho ukuthi basizakale njani ngokusebenzisa imicijo esesihlokweni esithi "Ukuthuthukisa Indlela Esitshumayela Ngayo —Ukuhambisa Ibhuku Elithi Okufundiswa Li-Bhayibhili." Bacele lokuthi batsho okuhle okwenzakale enkonzweni.

Ingoma 141 IoMthandazo

Isaziso: Sicela lidlale kanye umculo wengoma entsha lingakayihlabeli, ngemva kwalokho besliwudlala selihlabela.

Izaziso

■ Ngo-November lango-December: *IBhayibhili Lifundisani Sibili?* kumbe elinye lamaphetshana la: *Uyini Umbono Wakho NgeBhayibhili?, Uyini Umbono Wakho Ngekusasa?, Kuyini Okungenza Imuli Ithokoze?, Ngubani Obusa Umhlaba Sibili?, Ukuhlupheka Kuzaphela Yini?, Abafileyo Bangaphinda Baphile Yini?,* kumbe elithi *Ungawuchaza Njani uMbuso kaNkulunkulu?* **Ngo-January lango-February 2016:** *Izindaba Ezi-*

nhle Ezivela KuNkulunkulu! kumbe elinye lamabhukwana la: *Kungenzakala Yini Uku-thi Imuli Yenu Ithokoze?, Fundisa Abantwa-bakho, Lalela UNkulunkulu Uphile Kuze Kube Nini Lanini* kumbe elithi *Ungaba Ngumngane KaNkulunkulu.* **Ngo-March lango-April 2016:** *INqabayokulinda le-Awake!*

Izintshumayelo Eziyisibonelo

INQABAYOKULINDA December 1

"Sivakatshela omakhelwana bethu okwesi-khathi esifitshane ngoba sesinanjelele ukuthi abantu abanengi balombono ongaqonda-nга ngeBhayibhili. Lanxa abanengi belihloni-pha sibili iBhayibhili, bacabanga ukuthi kunzima ukulizwisisa. Wena ubona njani? [Melela impendulo.] Nansi esinye isizatho sokuthi kungani kumele sizame ukulizwisisa iBhayibhili. [Bala uRoma 15:4.] Imagazini le ichasisa ukuthi iBhayibhili libhalwe ngendlela elula ukuze wonke umuntu alizwisise futhi isitschengisa loku-thi singenzani ukuze silizwisise."

Awake!® December

"Sivakatshela izimuli ezilapha emphakathi-ni ukuze sizitshengise okuthile okungazinceda. Wonke umuntu uyathaba nxa ngekhaya kulo-kuthula kanye lokuzwanana. Ucabanga ukuthi yikuphi okungcono phakathi kokuthi izimuli zizame ukubalekela izingxabano lokuthi zifunde ukuthi zingenza njani nxa zingaba khona? [Melela impendulo.] Khangela okutshiwo liBhayibhili. [Bala iZaga 26:20.] Imagazini le isipha amacebo avela eBhayibhilini anganceda izimuli ukuthi zihlale ngokuthula."

Okuhle Okwenzakale Ensими

Ngo-May 2015 inani lezifundo zeBhayibhili liqanse layafika ku-103 699. Ngokwesilinganiso ummemezelu ngamunye waqhuba izifundo ezimbili.



km1511-NBZ 2b
150807